

آبونه شرائطی

داخلی ، خارجی هر یک ایچون
سنه لکی (۲۵۰) ، آلتی آیلنی
(۱۳۰) غروشدور.

[نسخه می ده غروش ،

سنه لکی ۵۲ نسخه در .]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسئله موافق آثار مع الممنونیه

قبول اولنور ، درج ایدله من

یازیلر اعاده اولونماز .

الکشاف

نمبر ۱۰۶۱

دینی ، فلسفی ، علمی ، ادبی هفته لقی مجموعه اسلامیه در

صاحب و مدیر مسئول

باش محرر

امیرف ادیب

محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد : ۳۷۴

۱۰ محرم ۱۳۳۷

پنجشنبه

۱۷ تشرین اول ۱۳۳۴

جلد ۱۵

اخطارات

آدرس تبدیلنده آیرجه بش

غروش کوندرملیدور

مکوبلرک امضالری واضح

وارقوناقلی اولسی و آبونه صره

نومبروسی محتوی بولنسی لازمدر

ممالک اجنبیه ایچون آبونه

اولانلرینک آدرسلرینک فرانسه

چده یازلمسی رجا اولنور

پاره کوندردلرکی زمان نه به دایر

اولدیغنک واضحاً بیلدیرلمسی رجا

اولنور .

صحت اسانیدنده شک وارد ر .

شیمدی یا لکیز ، مسئله ده قیاس ایله عمل ایدیلوب ده صلاة ، صوم ، صدقه ، عتق کی حقن ده صحیح نصیر بولنان عبادات حقن ده کی حکمک قرائت قرآن ده تسمیل اولنه بیلوب اولنه مامسی جهتی قالیور . بنجه بونده هیچ بریاس یوقدر . بر آدمک مال و سائر سنی غیره هبه ایتسی ممکن اولدقدن صکره قرآن اوقویان کیمسه نك نوابی امواته هبه ایتسه مانع نه کی بر حال تصور اولنه بیلیر ؟ باخصوص که ابن عباسک روایت ایتدیکی حدیث (ج) ده والدہ سنی طرفدن اوروج طوتوب طوته میه جنی بولنده کی سؤالنه رسالت بناء (صلعم) افندیز قیاس استعمال ایتک صورتیله جواب ویرمشدر .

برده بروفضیله طاندروایت ایدیلن ضعیف حدیثله عمل اولنه جنی مقررات شرعیه جمله سندندر . قرائت قرآن حقن ده ایسه اسانیدی شرائط صحتی حائز اولماقوله برابر ، یوقاریده ذکر ایدیلدیکی وجهله بر طاقم معروف حدیثلر وارد ر .

بعض کیمسلر ثوابک میته واصل اولیه جنی بولنده کی ادعایلرینی « اذامات الانسان اتباع عمله الامن ثلث صدقة جاریه او علم ینفع به او ولد صالح بدعوله » حدیث شریفی سند اتخاذا ایدیورلر . یا لکیز بونلر دوشونمورلر که انسان اولدکدن صوکره شو اوج شیدن بشقه سنی و عمل ذاتینک منقطع اولمه سیله دیکرلرینک ایشلیه جکلری اعمال صالحه و دعوات خیریه نك کندینه واصل اولمامسی آری آری شیردر . حدیثک ایکنجی شقنه تعلق ایدن هیچ برجهتی یوقدر .

« وان لیس للانسان الامانی » آیت کریمه سنه کلنجه ، علمانک بوبابده فکرلری بوودیکر بر قاچ آیتک ، سنت و اجماع ایله تخصص ایتش برر عام اولدقلری مرکزنده اولدیغنی یوقاریده بیان ایتشدک . آیتک توجهنه عاندها بر طاقم وجهلر سرد ایدلش اولوب بونلردن بر وجهی بن حقیقه بککیر ، تقدیر ایدرم . وجه شودر : موضوع بحث اولان آیت ارسیت طرفنده کی « و ابراهیم الذی وفی الاثر و ازره وزر اخری » آیتک سیاقه نظراً ابراهیم علیه السلامک شریعتنه خاصدر . بناء علیه شریعت محمدیه ده نص اوله ماز ، و شریعتلر آیرلدیغنی ایچون بو مسئله ده سنت محمدیه ایله ثابت اولان حکم ایله آیت مبحوئه آرمسنده منافات اوله جنی ادعا ایدیلر من .

عبدالعزیز چاویش

شئون

دارالخلافه :

مجلس ملینک کشادی . — تشرین اولاک اوننجی پنجشنبه کونی مجلس ملی ذات حضرت پادشاهینک حضورهایونلریله کشاد اولوندی . نطق هایون صدراعظم پاشا طرفدن قرائت ایدیلدی . بعده ذات

حضرت پادشاهی کرسی ریاستی تشریف بویوردیلر . شاهانه بروقار ایله قلب هایونلرندن کان کورومتین برسسله آئیده کی عبارة تحلیفیه یی اوقودیلر :

« شرع شریف وقانون اساسی احکامنه رعایت و وطن و ملتہ صداقت ایدم جکمه والله . »

بعده پادشاهمز اقدیمز حضرتلری حضارکده بوکله لرله قسمی تکرار ایتلرینی طلب و تکلیف بویورملری اوزرینه بوتون مبعوثان واعیان ده هب بردن « والله ، والله ... » دیه قسم شاهانه یی اشتراک ایتشلردر . بو صورتله کرک ذات شاهانه ، کرک مبعوثان واعیان مشترکاً درت شیده : ۱ . (شرع شریفه ، ۲) قانون اساسی احکامنه رعایت ، ۳ . وطنه ، ۴ . ملتہ صداقت ایدم جکلرینه یمین ایتش اولدیلر .

بعده صدراعظم پاشا طرفدن مبعوثان واعیانک قانون اساسیده مندرج شکل و صورت اوزرده رسم تحلیفلی آریجه اجرا ایدلشدر .

ذات شاهانه نك مفارقتلرینی متعاقب مجلس مبعوثان عقد اجتماع ایدرک رئیس انتخابنه باشلانمشدر . ۱۳۱ کیشی رأیه اشتراک ایتش ، ۷۰ رأی ایله منتشا مبعوثی خلیل بک رئیس انتخاب اولنمشدر . مجلس اعیانده احمد رضا بکک تعیینلرینه اراده سنیه شرفصاندر اولمشدر .

نطق هایون

« محترم اعیان و مبعوثان

« برادر مکرم خاقان منفور سلطان محمدخان خامس حضرتلرینک » ۳۰ توموز ۱۳۳۴ تاریخنده وقوع ارتحالی اوزرینه بالارث والاستحقاق « مقام سلطنت و خلافتی اشغال ایتدم و مجلس مبعوثانک اعتمادینی حائز » اولان حکومتی ابقا و اصدار ایلدیکم خط هایوننده امنیت و وفاق ، « اتحاد داخلینک تأسیس و ادامه سنی و بک اوزون سورن حربک ، « تأثیرات کونا کونندن مضطرب اولان ملتکم اضطراباتنک تهوینی ، « و اعاشه خصوصتک و وظیفه لرینی قهرمانانه بر صورتده ایضا ایتکده ، « اولان اردولرملک احتیاجاتنک تنظیم و تطمینینی و شرفلی بر صلح بولنک ، « تحریر سنی امر ایتدم . اوزون حرب سنه لرینک رهگذار مساعیمزه ، « بیغدیغنی مشکلاتک ازاله سیله مشغول و بوخونین و هولانک مجادله نك ، « نهایتنه سلاحلر من المازده متین و ساکن منتظر بولوندیغمز بر صبرده ، « بالقان جهه سنک دشمنلر طرفدن یارلمسنی و بالنتیجه بلغارستانده تحصیل ، « ایدن هیجان بلغار حکومتی منفرد بر صلح عقدینه اجبار ایتدی ، « بر طرفدن وضعیت جدیدنک استلزام ایتدیکی تدابیر سریعه عسکریه یی ، « در حال مباشرت ایدیلرک متفق اردولر بالقانلره ورود و حکومتده ، « بملاکتک اسباب مدافعه سنی تأمین ایدم جک تدابیر توصل ایلمش ،